



Մ Ա Յ Ր Ա Թ Ո Ւ Ո Ւ Մ

Հոկտեմբերի 1-ին, երեքշաբթի.—Այսօր առավոտյան ժամը 11-ին, Հայոց Հայրապետին է այցելում, Հոդդինգ Քարտերի ղեկավարությամբ, Ամերիկայի տարբեր թերթերի 12 հոգուց բաղկացած ժողովախառնիկի պատգամավորությունը, որը հյուրաբար գտնվում էր Երևանում:

Վեհաբանում Հայոց Հայրապետի և հարգելի հյուրերի միջև տեղի է ունենում շահեկան գրույց: Վերջում լրագրողներն աջահամբույրով ստանում են Հայոց Հայրապետի օրհնությունը:

* *

Նույն օրը ուխտավորաբար Մայր Աթոռ են ժամանում լոնդոնահայ եկեղեցական և համայնքային վարչության անդամ պրն. Սրմանդ Քեշիշյանը և պատգամավորներ պրն. Կուրտիկյանն ու Գրիգոր Փափագյանը, որոնք Մայր տաճարում իրենց աղոթքն ու ուխտը կատարելուց հետո, Վեհաբանում ստանում են Հայոց Հայրապետի օրհնությունը:

* *

Նույն օրը դարձյալ ուխտավորաբար Մայր Աթոռ են այցելում բելրուսաբնակ տեղ և տիկին Գևորգ և Մարի Կարմիրյանները և ծանոթ հասարակական գործիչ պրն. Տաճատ Սրապյանը:

Ուխտավորները, Մայր տաճարում իրենց

աղոթքն ու ուխտը կատարելուց հետո, Վեհաբանում աջահամբույրով ստանում են Հայոց Հայրապետի օրհնությունը:

* *

Հոկտեմբերի 3-ին, հինգշաբթի.—Այսօր Մայր տաճարում իր եպիսկոպոսական անդրանիկ պատարագն է մատուցում նորապսակ տ. Ներսես եպս. Պոզապալյանը:

* *

Նույն օրը Մայր Աթոռ է այցելում ս. Մայքըլ Մաունդ եկեղեցու տնօրեն Զարգ Ռոչը:

* *

Հոկտեմբերի 5-ին, շաբաթ.—Այսօր ուխտավորաբար Մայր Աթոռ են ժամանում լոնդոնահայ 17 ուխտավորներ՝ գլխավորությամբ պրն. Հարություն Ասատրյանի:

Մայր տաճարում իրենց ուխտն ու աղոթքը կատարելուց հետո, Վեհաբանում ընդունվում են Հայոց Հայրապետի կողմից և արժանանում Նրա հայրական օրհնությանը:

* *

Հոկտեմբերի 6-ին, կիրակի.—Դ կիրակի զկնի ս. Խաչի.

Այսօր Մայր տաճարում իր եպիսկոպոսական անդրանիկ պատարագն է մատու-

ցում նորապսակ տ. Արիս եպս. Թիրվանյանը և «Հայր մեր»-ից առաջ քարոզում «Եթե մոռացայց զքեզ, Երուսաղեմ, մոռացի զիս աջ իմ: Կցեսցի լեզու իմ ի քիմս իմ՝ թէ ոչ յիշեսցի զքեզ, թէ ոչ նախ նուագեցից զքեզ, Երուսաղեմ, սկիզբն ուրախութեան իմոյ» (Սղմ. ՇԼԶ 5—6) բնաբանով:

Ս. պատարագին ներկա են լինում շուրջ 20 արգենտինահայ և 25 ամերիկահայ ուխտավորներ:

Հավարտ ա. պատարագի Վեհափառ Հայրապետը Վեհաբանում ընդունում է ուխտավորներին՝ տալով իր օրհնությունն ու պատգամը:

* *

Նույն օրը Վեհափառ Հայրապետին է այցելում ծանոթ հասարակական գործիչ պրն. Տիգրան Մյուրաքյանը՝ իր հարգելի տիկնոջ հետ (Արգենտինայից):

* *

Նույն օրը, երեկոյան ժամը 20.30-ին, Վեհաբանի հանդիսությունների պրահում տեղի է ունենում հետաքրքիր համերգ՝ հայ երիտասարդ ճարտարապետներից քաղկացած ինքնուսուցողական կատարմամբ՝ ղեկավարությամբ Արտաշես Մեստյանի:

Նվագախումբը կատարում է Եղեռնի հիշատակին նվիրված երաժշտական մի հոյակապ ձոն:

* *

Հոկտեմբերի 7-ին, երկուշաբթի.—Այսօր ուխտավորաբար Մայր Աթոռ են ժամանում ԱՄՆ-ի արևելյան թեմի առաջնորդ տ. Թորգոմ արքեպ. Մանուկյանը և տ. Տիրան արքեպ. Ներսիսյանը, որոնք Մայր տաճարում իրենց աղոթքն ու ուխտը կատարելուց հետո, Վեհաբանում ջերմ գրույց են ունենում Հայոց Հայրապետի հետ:

* *

Հոկտեմբերի 18-ին, կիրակի.—Ե կիրակի զկնիսիս ա. Խաչի.

Այսօր Մայր տաճարում իր եպիսկոպոսական անդրանիկ պատարագն է մատուցում նորապսակ տ. Հմայակ եպս. Ինդրյանը և «Հայր մեր»-ից առաջ քարոզում «Որք զարդարեցին տնօրինաբար զիմաստս անեղին, հաստատելով լերկի զգիր կենդանի, հովուել զհօտ նոր Իսրայելի» (Ծարական) բնաբանով:

Ս. պատարագին ներկա էր Վեհափառ Հայրապետը:

* *

Հոկտեմբերի 14-ին, երկուշաբթի.—Այսօր առավոտյան շուրջ 40 արգենտինահայ ուխտավորներ, գլխավորությամբ պրն. Օննիկ Այնեճյանի, այցելում են Մայր տաճար, ուր կատարում են իրենց աղոթքն ու ուխտը:

Այնուհետև քարեպաշտ ուխտավորներին Վեհաբանում քարեհանում է ընդունել Հայոց Հայրապետը՝ արժանացնելով իր օրհնությամբ:

* *

Հոկտեմբերի 15-ին, երեքշաբթի.—Այսօր իր պաշտոնատեղին՝ Նյու-Յորք է մեկնում ուխտավորաբար Մայր Աթոռում գտնվող Հյուսիսային Ամերիկայի արևելյան թեմի առաջնորդ տ. Թորգոմ արքեպ. Մանուկյանը:

* *

Նույն օրը, առավոտյան, պրն. Գրիգոր Տեր-Գրիգորյանի գլխավորությամբ, որպես ուխտավոր Մայր տաճար են այցելում շուրջ 35 կանադահայեր և իրենց աղոթքն ու ուխտը կատարում:

Այնուհետև Վեհաբանում աջահամբույրով ստանում են Հայոց Հայրապետի օրհնությունը:

* *

Հոկտեմբերի 20-ին, կիրակի.—Զ կիրակի զկնիսիս ա. Խաչի.

Այսօր Մայր տաճարում ա. պատարագ է մատուցում և «Հայր մեր»-ից առաջ քարոզում ԱՄՆ-ից ուխտավորաբար Մայր Աթոռում գտնվող տ. Իսահակ ծ. վրդ. Ղազարյանը:

Ս. պատարագին ներկա էր Վեհափառ Հայրապետը:

* *

Նույն օրը, Ամենայն Հայոց Վեհափառ Հայրապետի կարգադրությամբ, Մայր Աթոռ է ժամանում Լեհիսկանիի ա. Աստվածածին եկեղեցու քառածայն նորակազմ երգչախումբը՝ Թիրակի թեմի առաջնորդ տ. Նարեկ եպս. Ծաքարյանի առաջնորդությամբ: Երգչախումբը Մայր տաճարում կատարում է ա. պատարագի երգեցողությունը ըստ Մ. Եկմայանի՝ տ. Արամ ավագ քնն. Բոյաջյանի ղեկավարությամբ:

Հավարտ ու պատարագի երգչախմբի անդամներին բարեհաճում է ընդունել Ամենայն Հայոց Վեհափառ Հայրապետը և տալ նրանց իր օրհնությունը:

Ժամը 14.30-ին երգչախմբի անդամները հրավիրվում են ճաշի միաբանական սեղանատանը, ուր ջերմ ընդունելության համար Ամենայն Հայոց Վեհափառ Հայրապետի հասցեին շնորհակալական խոսք է ասում թեմակալ առաջնորդ տ. Նարեկ եպս.

Հոկտեմբերի 22-ին, երեքշաբթի.—Այսօր, երեկոյան ժամը 19-ին, Երևանում, հայրապետական վիլայում, գումարվում է Գերազույն հոգևոր խորհրդի հերթական նիստը՝ Վեհափառ Հայրապետի նախագահությամբ: Ժողովին ներկա է լինում նաև ուխտավորաբար Մայր Աթոռում գտնվող տ. Տիրան արքեպ. Ներսիսյանը: Վեհափառ Հայ-



Լեւոնականի ա. Աստվածածին եկեղեցու երգչիկ խումբը թեմակալ առաջնորդ տ. Նարեկ եպիսկոպոսի հետ

Ծաբարյանը:

Այնուհետև երգչախմբին ողջված օրհնության և քաջալերանքի խոսք է ասում Մայր տաճարի լուսարարապետ տ. Հուսիկ եպս. Սանթրոյանը՝ վեր հանելով աղոթքի ոգին երգչախմբի երգեցողության մեջ:

Երգչախումբը, ի պատասխան բաժակաճառերի, ապրումով կատարում է մի շարք հայրենասիրական երգեր:

Ճաշկերույթն ավարտվում է լուսարարապետ սրբազան հոր գոհաբանական աղոթքով:

Հոկտեմբերի 21-ին, երկուշաբթի.—Այսօր իր պաշտոնատեղին՝ Միլան է մեկնում մոտ երկու ամիս ուխտավորաբար Մայր Աթոռում գտնվող իտալահայ համայնքի հոգևոր հովիվ տ. Զգոն եպս. Տեր-Հակոբյանը:

րապետը հատենի ժողովի ողջունում է ներկայությունը տ. Տիրան արքեպիսկոպոսի և բարի գալուստ մաղթում նրան:

Տ. Տիրան արքեպիսկոպոսը շնորհակալություն է հայտնում Հայոց Հայրապետին՝ իրեն տրված այս առիթի համար:

Հոկտեմբերի 27-ին, կիրակի.—Է կիրակի գկնի ա. Խաչի. Գիտ Խաչի.

Այսօր Մայր տաճարում ա. պատարագ է մատուցում տ. Եզնիկ արք. Պետրոսյանը: «Հայր մեր»-ից առաջ հոգեշունչ քարոզ է խոսում Ամենայն Հայոց Վեհափառ Հայրապետը՝ վեր հանելով օրվա տոնի հիշատակի կարևորությունը:

Ա. պատարագին ներկա են լինում հյուրաբար Երևանում գտնվող մի խումբ ֆրանսիացի փաստաբաններ:

*
* *

Գերագույն հոգևոր խորհուրդն իր հոկտեմբեր 22 նիստում արձանագրեց Մայր Աթոռի նախկին միաբան տ. Մուշեղ վրդ. Պետիկյանի սեպտեմբեր 2 թվակիր հրաժարականը հոգևոր կոչումից և խնդրեց Վեհափառ Հայրապետին՝ նրան կարգազուրկ հայտարարել:

Ամենայն Հայոց կաթողիկոսը, հարգելով Գերագույն հոգևոր խորհրդի առաջարկությունը, հայրապետական էր վճռով կարգալուծ արեց նախկին տ. Մուշեղ վրդ. Պետիկյանին՝ դատելով նրան ի շարս աշխարհականաց՝ Պերճ Պետիկյան ավագանի իր անունով:

ԴԻՎԱՆ ՄԱՅՐ ԱԹՐՈՒԻ

25-ը հոկտեմբերի 1974 թ.,

Ս. Էջմիածին

